

dieses Hauses Zimmerman/ rechter warhafftiger Gott sein / der die rechte macht Göttlicher natur habe/ Zu schaffen Dimel vnd Erden vnd noch viel bessers / das ist / Er mus ein allmechtiger Gott sein / Vnd' ist doch nicht die Person / die von jm sagt / Ich wil sein Vater / Vnd er sol mein Son sein / vnd Er sol mir ein Haus bauen. Die sind die Person/ gewaltiglich vnd klerlich vnterschieden/ als Vater vnd Son/ Vnd als Bauweiser vnd haus Herr. Noch könnens nicht zween Götter sein / oder der Son ein ander vnd frembder Gott sein. Denn das erste Gebot leidets nicht/ da es sagt/ Du solt nicht an der Götter neben mir haben. Vnd Deutero. 6. Höre Israel der HERR vnser Gott ist ein einiger HERR oder Gott.

So haben wir droben gehöret/ Wo die Schrift von den zwo Personen des Vaters vnd Sons redet / da ist der Heilige Geist die dritte Person auch bey / der solchs durch die Propheten redet / Das also an diesem ort einem gläubigen Hertzen/ gar grundlich vnd gewaltig beweiset vnd bezeuget ist/ Das Gott der allmechtige Schepffer Dimels vnd der Erden/ ist gewislich ein einiger rechter Gott/ vnd auffer jm kein ander Gott sein kan / vnd doch drey vnterschiedliche Person/ der Vater Son vnd Heiliger Geist ist/ Also/ das allein
der